

# **Ақийда дарслари (184-дарс). Мұхаммад алайхиссалом хотамул анбиёдирлар**



19:00 / 06.06.2022 2674

Бу ҳақда «Шарҳи «Ақийдатут Таҳовийя»да қуидагилар келган:

«Ва албатта, у киши соллаллоҳу алайҳи васаллам анбиёларнинг охиргисидирлар».

Шарҳ: Мұхаммад соллаллоҳу алайҳи васалламнинг пайғамбарликларидан кейин анбиёлар келиши охирлади, кесилди, тугади. У киши соллаллоҳу алайҳи васаллам пайғамбарлик қасрининг охирги ғишидирлар. Аллоҳ таоло у киши соллаллоҳу алайҳи васаллам билан пайғамбарлик қасрини камолга етказиб, әшигини ёпди.

Далил:

«**Лекин Аллоҳнинг Расули ва набийларнинг сұнгисидир**»<sup>[1]</sup> ояты ва Пайғамбар соллаллоҳу алайҳи васалламнинг қуидаги ҳадисларидир:

1. «Менинг ва анбиёларнинг мисоли худди биноси гўзал бир қасрга ўхшайди. Унда бир ғишт ўрни тарк қилингандир. Бас, назар солувчилар уни айланиб кўриб, биносининг гўзаллигидан ажабланадилар. Фақат ҳалиги ғишт ўрнидан бошқа айб топа олмайдилар.

Бас, мен ўша ғиштнинг ўрнини тўлдирдим. Мен билан бино хотимасига етди, пайғамбарлар охирига етдилар».

*Бухорий ва Муслим ривоят қилишган.*

2. «Албатта, менинг бир неча исмларим бор. Мен Мұхаммадман. Мен Аҳмадман. Мен ал-Моҳий – ўчирувчиман. Аллоҳ мен билан куфрни ўчиради. Мен ал-Хашр – тўпловчиман. Одамлар қадамим остида тўпланадилар. Мен ал-Оқибман».

Ал-Оқиб – ортдан келувчи – ундан кейин Набий келмайдиган зотдир.

*Бухорий ва Муслим ривоят қилишган.*

3. «Албатта, келажакда менинг умматимда ўттизта каззоб бўлади. Ҳаммаси ўзини набий деб даъво қиласди. Ҳолбуки, мен набийларнинг охиргисиман. Мендан кейин набий йўқдир».

#### **«Сунний ақийдалар» китоби асосида тайёрланди**

[1] Аҳзоб сураси, 40-оят.